

Cauteræa nə ban YAHUDA Məncəu

Cauteræa nə ban Yahuda ka à giləi ace nunkir abwana arə amə kanigir mə'nyirni mənana à twali bamuria ama aməkwadi na ka. Aba mənəi yi cauteræa məgbələmi, mənana agir bāləi nda kəla mənana aba 2 *Bitərus* ka, Yahuda kə bakbabum aməkwadi bəà kpapi bamuria <<bəà munə ace kə dokwadi mwashat bərbəər mənana Bakuli tsəi a babu abwana male mənana taria ka.>> Aməno yi amə kanigir andə amə'bangnəa mə'dwanyi kpata Bakuli ka, à earnə do kidiki acemənana ama Bakuli nə twalia wia bani ka. Yahuda yinə agirvani aba Kūrcəu Mə'e andə amaləmcə mala amə Yahudi ace ləmdə ama bashi ndakam. Ace mani ka, ndanə boaro bə abwana kwadita earcearəu mala Bakuli aba kundə yiu mala Mətalabangno Yesu bə yi pea wia yiləmu mənana málá male pà kàm raka. Cautera mənəi ka yi masələi nə hiwi mənana ləmdə ama Yesu ka nda Mətalabangno mə'məsəcau nì andə tər amsəban nəmurəi bərbəər.

Agir mənana abaləi ka

Məncəu1:1-2

Bealu, andə kanigir, andə do ká aba bashi
mala kidiki mala amə kanigir mə'nyirni a
masələte1:3-16

Kwarkiru ace bwal pabamuru1:17-23

Hiwi sham məboarne ace abwana1:24-25

Makkun mala Yahuda

¹ Mənia yì cauterəa ka pur nə bu Yahuda,* guro mala Yesu Kərəsti, andə mə'eam Jemis, aban ká a ban abwana mənana kat Bakuli Tárrú tunəia, sə earcea, sə dumsəia aba yálban mala Yesu Kərəsti ka.

² Məsəswatər, andə dorəpwala, andə earcearəu ka bəə aliki amur wun.

*Bashi amur abwana mana
à binə Bakuli ka*

³ Wun agyajam mem mənana ən earkiyi acea raka, mə ndanəi a babumam nə rəbəla mə nə giləa wun cau amur amsəban mənana səm kat səm ndanəi ka. Sə ado ka ən nggə səni dumənam ama mə nə giləa, mə nə bəkbabum wun bə wu munə ace yál dokwadi† mana Bakuli pa kusə mwashat bərbər ace anza kat, a babù abwana male mənana tària ka.

⁴ Ən bang anggo acemənana abea abwana mana à kə banggi Bakuli raka, à swárəna zàng, à kutikina abalə wun. À nda ka bwana mənana à nyesə bwamuru mala Bakuli ma'səm pələia wia njar pakki agirbana mala nonggi nə rəarəu, sə à kə ginəki kə Múr səm, Mətala səm, Yesu Kərəsti. Bashi mənana nda amúrià ka Bakuli angja damba giləni bara-bara.‡

⁵ Ən nggə earce kasə balə wun, kat andə amani ama wu sùrənà rə agir mənəia kat ka, ama, Mətalabangjo amsə abwana male, pusəia

* **1:1 1:1** Balli gbal aba: Mat 13:55; Mar 6:3. † **1:3 1:3** yál dokwadi: Ko <<yál paɓamuru ma'səm a ban Kərəsti.>> ‡ **1:4 1:4** Balli gbal aba: 2Bit 2:1-18.

aba nzali Masar, sə nənzmò ka, yi twalta abwana mənana à gūlì arèi raka. §

⁶ Dəm ngga wu sələna ama aməturenjar mənana à turta gulo malea, à yàllì bancame malea ka, Bakuli kùrkia nə ansolo, kùrban mənana málá male pà kàm raka, sə girkúnia aba pəndəa, bà Pwari bəshi məgule.

⁷ Dəm ngga wu denyi nə gir mənana kum amə Sodom andə Gomora, andə acili alá mənana a bania tū, mənana à kutio aba do kidiiki mala nonggi nə rəarəu andə pakki agir suno nongnəban mənana kyanggi do məboarne, kəla mana aməturenjar mənə pe ka. Bakuli sok bəsa amúrià, ace mənana bə duk girkàni a ban abwana kat, mala pibəsa mənana malkiyi raka.*

⁸ Anggo gbal, amənia yì abwana à twalì bamuria ama à kə sənsəna aba bangjo ka, à kə pəndəki nggūrəia nə caubikea nonggi nə rəarəia; à būrəce yalban mala Bakuli amúrià, sə à nyesə aməturenjar məboarbwe mala Bakuli bə.

⁹ Ko nggearə Makel, yì gbani mala aməturenjar mala Bakuli ka, twalki kə cau arə ne Shetan kə məbane aban nungirəu amur lú Musa dāng. Ne wi nə na ama: <<Mətalabangjo Bakuli bə pyauó! >>[†]

¹⁰ Sə amənia yì abwana ka, à kə na məbane amur agir mənana à bwaltea raka. Sə agir mənana kat à bwaltea nə gyata oe malea a rəu, andə dʋanyì denyicau kəla agirkusəu ka, à nda ka kə gir mənana à kə kidikia ka.

§ 1:5 1:5 Balli gbal aba: Pur 12:51; Bal 14:29,30. * 1:7 1:7 Balli gbal aba: Tite 19:1-24. † 1:9 1:9 Balli gbal aba: Zak 3:2.

¹¹ Gîr'mur'mwana nda amúrià! À twaləna kusə Kayinu. Rufi malea atà boalo tsəngŋənia à kpāna aba b̥warkio mala Bil'am. À mgbicau kəla Kora, sə à kpāna a kidīkea kəla yì.‡

¹² Amənia yì abwana ka, amə'kidiki agir na abalə wun a ban kpapi likwar mala dotarəu ma'wun, sə à panə bāngciu ko kəsəkya dāng. À nda kəla ayálgir mənana à karə bumia à dənyi nēi ka. À nda kəla pəbāng mənana gung twali kə nya mbulo raka. À nda kəla anggun mənana ko nə kún gbangŋan ngga à kə pa bəlea raka, anggun mənana à ukkinia andə anlerəia sə à wuna mak ka.

¹³ À nda kəla nggeamūr mənana gung kə songnəki nə burabura, à kə gbanggəri agir kəsəkya malea kəla pupwalo. À nda kəla anlero mənana à cam a ban mə'mwashati raka, sə ban mənana 'Bakuli tsəi acea ka nda nggea pəndəa məcīkcikī mənana málá male pà kām raka.

¹⁴ Sə Inok, mənana nda tongno-nong-baria kau, twal a bəlbān mala Adamu ka, § bāngnə-bāngnəa amur a'ulang amənia yì abwana ka. Bāngŋa ama:
<<Wu səni, Mətalabangŋo

ndya kə yiu andə
aməturonjar male aməfele
mənana à pà nə gandə
ballia raka,

¹⁵ ace yinə bāshi amur
b̥wapəndəa kat.

Nə yia mak abwana kat

‡ **1:11 1:11** Balli gbal aba: Tite 4:3-8; Bal 16:1-35; 22:1-35. § **1:14**
1:14 Balli gbal aba: Tite 5:18,21-24.

mənana à sùrè 'Bakuli
 raka nè bashi,
 ace agir mənana kat
 à pea aba do malea mala
 ḏwanyi sùrè 'Bakuli ka,
 andə acau məbike mənana
 amə'caubikea,
 amə ḏwanyi sùrè 'Bakuli
 ne amurí ka.>>*

¹⁶ Amənia yì abwana ka, amə sən bwarkio mala
 abwana na andə amə'nggwani, à kə pakki agir
 məbike mənana kat à earkiyice ka. Yia ka, amə
 nggori na, andə amə'swárbán nè kunboarna ace
 kum gir mənana à earkiyice ka, a bu abwana.

Kwarkiru ace tamsəkusəu kàngkàng

¹⁷ Sə wun, agyajam mem ngga, wu ḏenyi nè agir
 mənana amə'mishan mala Mətala səm Yesu Kərəsti
 bang didyal ama à nè yia kumban ngga.

¹⁸ À banghəna wun ama: <<A masələata apwari
 ka, amə oalban arə njar dokwadi nè yia puro,
 abwana mənana bá do malea ka nda kpata anpel
 malea mala ḏwanyi sùrè 'Bakuli.>>

¹⁹ Amənia yì abwana ka, à nda mənana à kə yinə
 gakkya abalə wun ngga. À kə gya atà anpel mala
 nggūrəia, sə à panə Bangno mala 'Bakuli ḏang.

²⁰ Sə wun agyajam mem ngga, wu lidəmba
 nè bak rəarə wun aba dokwadi† ma'wun nggea
 məfele. Wu kə pak hiwi aba rəcandəa mala
 Bangno Məfele.

* **1:15 1:15** Cau mənəia ka à nè kumi aba Maləmcə mala amə
 Yahudi a tūnəi ama Inok 1:9. † **1:20 1:20** dokwadi: Ko <<ng-
 gurcau mala pabamuru aban Kərəsti.>>

²¹ Wu bwal bamur rə wun aba earcearəu mala Bakuli, yi mənana wu nda arə kundə məsəswatər mala Mətala səm Yesu Kərəsti, mənana nə yinə wun aba yiləmu mana málá male pà kàm raka.

²² Wu ləmdə məsəswatər, wu bwalì abwana mənana pabamuru malea cam raka.

²³ Wu amsə abea abwana nə fwaban aba bəsa. Sə abea abwana ka, wu sən məsəswatər malea nə tsəkiru, wu binəki ce gír mənana kat a rəia nə kánə wun a pəndəkea nə npel mala nggūrəu ka.‡

Məsəlaata hiwi

²⁴ Adyan ngga, gulo ka bəà pè Bakuli, mənana nə gandə bwal wun, wu kəa kpa raka, sə nə yinə wun a bədəmbi, mana lümsə nə boarbwa ka, nə banboarnado mægule andə dwanyicau-arəŭ.

²⁵ Gulo kat ka, bəà pè wi, yì Bakuli mwashat, Mə'amsə səm nə bu Yesu Kərəsti Mətala səm. Nggearə boarbwa, andə gulo, andə rəcandəa, andə murəm ngga, male na bara-bara, arə anza mənana à kutikina ka, bə adyan, andə dəmba. Bə do anggo.

‡ **1:23 1:23** Balli gbal aba: Zak 3:3-4.

Mbula-Bwazza
Portions of the Holy Bible in the Mbula-Bwazza
language of Nigeria

copyright © 2022 The Seed Company

Language: Mbula (Mbula-Bwazza)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-12

PDF generated using Haiola and XeLaTeX on 10 Sep 2025 from source files dated 12 Jul 2025

dc693218-7e0b-5547-ab57-2e0275b90e93